

STJÓRNARTÍÐINDI A 19 — 1979

15. október 1979.

299

Nr. 80.

AUGLÝSING

um skipting starfa ráðherra.

Samkvæmt tillögu forsætisráðherra og með skírskotun til 15. gr. stjórnarskrárinnar, laga nr. 73/1969, um Stjórnarráð Íslands, og reglugerðar samkvæmt þeim frá 31. desember 1969, er störfum þannig skipt með ráðherrunum:

Benedikt Gröndal fer með forsætisráðuneytið og utanríkisráðuneytið.

Kjartan Jóhannsson fer með sjávarútvegsráðuneytið og viðskiptaráðuneytið.

Magnús H. Magnússon fer með félagsmálaráðuneytið, heilbrigðis- og tryggingamálaráðuneytið og samgönguráðuneytið.

Bragi Sigurjónsson fer með landbúnaðarráðuneytið og iðnaðarráðuneytið.

Sighvatur Björgvinsson fer með fjármálaráðuneytið og Hagstofu Íslands.

Vilmundur Gylfason fer með menntamálaráðuneytið og dóms- og kirkjumálaráðuneytið.

Með úrskurði þessum falla úr gildi eldri ákvæði um skipting starfa ráðherra.

Forsætisráðuneytið, 15. október 1979.

Benedikt Gröndal.

Guðmundur Benediktsson.

15. október 1979.

Nr. 81.

FORSETA BRÉF

um þingrof.

FORSETI ÍSLANDS

gjörir kunnugt: Forsætisráðherra hefur tjáð mér, að Alþýðuflokkurinn og Sjálfstæðisflokkurinn hafi orðið sammála um, að stofnað skuli nú til almennra alþingiskosninga og nauðsyn beri því til þess, að Alþingi verði rofið, svo að efna megi til alþingiskosninga þegar á þessu ári.

Samkvæmt þessu er Alþingi hér með rofið nú þegar.

Gjört að Bessastöðum, 15. október 1979.

Kristján Eldjárn.

(L. S.)

Benedikt Gröndal.